

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-16-Z/18
Kakanj, 30.01.2018. godine

Z A P I S N I K

sa 16. redovne sjednice Općinskog vijeća održane 30.01.2018. godine (utorak) u velikoj sali za sastanke Općinskog vijeća sa početkom u 9:00 sati (sažetak zapisnika)

Nakon intoniranja himne Bosne i Hercegovine, 16. sjednicu Općinskog vijeća otvorio je Slaven Katičić, predsjedavajući Općinskog vijeća, i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić (naknadno pristupio), Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Haris Veispahić, Amar Selimović i Safet Šahman **(SDA)**

Semir Mušija, Rizah Haračić, Mirnes Merdić i Mugdin Gorak **(SBB BiH)**

Rešad Merdić (naknadno pristupio), Mirsad Tursum, Fahrudin Buza, Adisa Škulj i Zerina Kovač **(S BiH)**

Enes Piljug, Eldin Mijoč i Ahmed Begić **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić (naknadno pristupio)**(A-SDA)**,

Mujo Fafulić – **nezavisni kandidat iz reda nacionalnih manjina.**

Odsutni vijećnici: Adnan Ibrahimspahić **(SDA)**

Predsjedavajući je konstatirao da je na sjednici u momentu prijave prisutno 26 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Nermin Mandra, općinski načelnik

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović- pomoćnik općinskog načelnika za imovinskoppravne, geodetske poslove i katastar nekretnina

Enver Kusić, sekretar organa uprave

Zijad Neimarlija, direktor Zavoda za planiranje i izgradnju općine Kakanj

Nurudin Hrusto – pomoćnik općinskog načelnika za civilnu zaštitu

Bahrudin Arnaut – pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

Izjave, obrađivači, gosti

Senad Čišija – direktor JU „Gradska biblioteka“ Kakanj

Senida Huskić- predsjednica UO JU „Gradska biblioteka“ Kakanj

Predstavnici medija:

NTV IC Kakanj

Radio Kakanj

„Kakanjske novine“

„Naša riječ“

„Kakanjlive“

„Kakanj-x“

„Kaportal“

„Klix portal“

Kratka saopćenja o radu sjednice i prethodnim pitanjima:

Kolegij Općinskog vijeća je 22.12.2017.godine održao 15. sjednicu na kojoj je razmatrao:

a) Informaciju o kvaliteti zraka u zimskom periodu na području općine Kakanj

Kolegij je donio slijedeći zaključak:Obzirom da je Kolegij Općinskog vijeća 23.10.2017.godine Zaključkom broj: 01/1-12-424-K/17 zadužio Službu za privredu, urbanizam i zaštitu okoline da pripremi materijal za tematsku sjednicu po inicijativi vijećnika Elvedina Delića sa 11. sjednice Općinskog vijeća broj 01/1-11-402/17 od 27.09.2017.godine, Kolegij je odlučio da se vijećnici upoznaju s materijalom koji je Služba dostavila.

Također, odlučeno je da će Kolegij održati sjednicu 31.01.2018.godine sa početkom u 15:30 na kojoj će se predsjednici klubova dogovoriti oko koncepta same sjednice, gostiju i izjavitelaca koji trebaju prisustvovati sjednici, kao i određivanja termina tematske sjednice.

b) Odgovor Službe za privredu, urbanizam i zaštitu okoline na zaključak Kolegija Općinskog vijeća u vezi izgradnje kanalizacione mreže u MZ Dubovo Brdo

c) Obavještenje Zavoda za planiranje i izgradnju Općine Kakanj u vezi korištenja poslovnih prostora u ulici Mehmeda Skopljaka

d) Inicijativu OŠ „Mula Mustafa Bašeskija“ Kakanj za formiranje mobilnog multidisciplinarnog tima na području općine Kakanj

Odgovor, obavještenje i inicijativu Kolegij je primio k znanju

Usvajanje zapisnika sa 15. sjednice Općinskog vijeća

Predsjedavajući je zapisnik sa 15. sjednice Općinskog vijeća stavio na razmatranje i pošto nije bilo prijavljenih za raspravu, zapisnik je usvojen jednoglasno sa 25 glasova za.

Komentari na dostavljene odgovore na vijećnička pitanja:

Ahmed Begić: je rekao da nije dobio odgovor u vezi bezbjednosti mosta u Doboju.

Enes Piljug: je rekao da je imao dva vijećnička pitanja. Izrazio je zadovoljstvo pozitivnim odgovorom na pitanje o odvozu smeća, a u vezi drugog podnio vijećničku inicijativu da se kupi displej sa svom pratećom opremom kako bi se pratili parametri zagađenja zraka u Kakanju.

Rizah Haračić: je rekao da je dobio zanimljiv odgovor na pitanje u vezi spaljivanja guma u TC Kakanj, odnosno samo dio odgovora gdje stoji da TC Kakanj ima dozvolu za spaljivanje do 60% raznovrsnog otpada, te izrazio nezadovoljstvo zbog istog.

Jasmin Mušanović: je rekao da je dobio odgovor na vijećničko pitanje u vezi prosječnih godina starosti umrlih osoba na području općine Kakanj te ukazao na zabrinjavajuće stanje stanovništva.

Komentari na dostavljena mišljenja na vijećničke inicijative:

Enes Piljug: je rekao da je zadovoljan odgovorom u vezi rekonstrukcije puta Kakanj-Kučići a nije zadovoljan odgovorom u vezi asfaltiranja puta od Tršča do Makljena.

Ahmed Begić: je rekao da nije zadovoljan odgovorom koji je dobio u vezi vijećničke inicijative za izgradnju sankališta na Ponijerima.

Rizah Haračić: je rekao da je odmah na prošloj sjednici dobio odgovor od Službe Vijeća u vezi sa elektronskim glasanjem, te u vezi vijećničke inicijative o organiziranju javne rasprave o zagađenosti općine Kakanj dodao da će se o opšnije o ovoj temi moći reći na tematskoj sjednici koja je u pripremi.

Nusret Muslić: je rekao da je zadovoljan odgovorom u vezi saradnje između Općine Kakanj i Općine Vareš.

Vijećnička pitanja:

Jasmin Musanović (iskoristio pravo bez govornice): Izlazak na teren Vrbica kod Kosić Gorana zbog utvrđivanja eventualnih problema u vezi kanalizacione mreže.

Ahmed Begić: je postavio dva vijećnička pitanja, u vezi saobraćajnih pravila u kružnom toku, obzirom da su na službenoj stranici Općine Kakanj izašla pravila ponašanja koja nisu u skladu s pravilima na osnovu kojih se polaže vozački ispit. Također je ponovio vijećničko pitanje na koje nije dobio odgovor na prošloj sjednici OV u vezi bezbjednosti mosta u Doboju.

Safet Šahman: je postavio vijećničko pitanje u vezi Cementarskog mosta i infrastrukture istog.

Aldin Šljivo: je postavio vijećničko pitanje u vezi izdvojenih finansijskih sredstva iz Općine Kakanj u proteklih deset godina za infrastrukturne projekte na Ponijerima?

Enes Piljug: je postavio vijećničko pitanje u vezi odvoza smeća na regionalno odlagalište Moščanica.

Elvedin Delić: je postavio dva vijećnička pitanja, u vezi količine posječene šume u 2017. godini, kao i finasijske dobiti Općine Kakanj iz ovih izvora.

Ivica Petrović: je postavio vijećničko pitanje i zatražio usmeni odgovor u vezi tehničke mogućnosti za isplatu paušala u drugom vremenskom periodu.

Rizah Haračić: je postavio vijećničko pitanje u vezi spaljivanja uglja na Ponijerima.

Džihad Berbić: je rekao da bi bilo kakvo mijenjanje dosadašnjeg rasporeda isplata poremetilo dosadašnju praksu, što bi u praksi značilo da bi se sa nekim drugim uplatama kasnilo.

Vijećničke inicijative:

Enes Piljug: je pokrenuo vijećničku inicijativu za čišćenje korita rijeke Bosne na području općine Kakanj.

Rizah Haračić: je pokrenuo dvije vijećničke inicijative, jedna je u vezi postavljanja bankine na Plandištu, druga u vezi nabavke savremnog vozila hitne pomoći.

Safet Šahman: je pokrenuo vijećničku inicijativu u vezi čišćenja korita rijeke Ribnice.

Aldin Šljivo: je pismenim putem pokrenuo dvije vijećničke inicijative u vezi izrade izvještaja stanja svih poligona/igrališta u svim mjesnim zajednicama na području općine Kakanj, a druga je u vezi prilagodbe termina jutarnje saobraćajne linije Kakanj-Sarajevo.

Edin Aliefendić: je pokrenuo vijećničku inicijativu u vezi postavljanja besplatnih Wi-Fi HotSpot lokacija na području općine Kakanj.

Muhamed Kubat: je pokrenuo vijećničku inicijativu u vezi izgradnje trotoara u Ulici Paše Kubata, duž rijeke Zgošće.

Utvrđivanje dnevnog reda

Predsjedavajući je predložio dnevni red po pozivu za 16. sjednicu, odnosno po usaglašenom prijedlogu dnevnog reda Kolegija Općinskog vijeća.

U raspravi po prijedlogu dnevnoga reda su učestvovali: Ahmed Begić i Eldin Mijoč

Ahmed Begić: predložio je da se ispred svakog prijedloga programa razmatra izvještaj za taj program.

Eldin Mijoč: je rekao da mu nedostaje druga stranica dnevnog reda.

Nakon pauze od 5' vijećnik Ahmed Begić je odustao od svog prijedloga.

Dnevni red je po prijedlogu predsjedavajućeg usvojen jednoglasno sa 22 galasa za.

Usvojeni dnevni red:

1. Prijedlog odluke o poticajima i pogodnostima za investiranje na području općine Kakanj
2. Prijedlog odluke o utvrđivanju javnog interesa za izgradnju nove saobraćajnice
3. Prijedlog odluke o izmjeni Odluke o izvršavanju Budžeta Općine Kakanj za 2018.godinu
4. Prijedlog programa projekata za realizaciju sredstava iz Programa utroška sredstava vodnih naknada u oblasti vodoprivrede za 2018.godinu
5. Prijedlog programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2018.godinu i sredstava od prodaje poslovnih prostora i zemljišta
6. Prijedlog programa utroška sredstava od koncesionih naknada
7. Prijedlog programa utroška sredstava komunalne naknade za 2018.godinu
8. Prijedlog programa utroška sredstava naknade za građevinsko zemljište za 2018.godinu
9. Prijedlog zaključka o davanju saglasnosti na Plan redovnog održavanja javnih i nerazvrstanih cesta na području općine Kakanj za 2018.godinu
10. Prijedlog programa utroška namjenskih sredstava za zaštitu okoline općine Kakanj za 2018.godinu
11. Prijedlog programa utroška sredstava iz Budžeta Općine Kakanj za podsticaje u poljoprivredi za 2018.godinu
12. Prijedlog programa utroška sredstava iz Budžeta Općine Kakanj za podsticaj razvoja poduzetništva i obrta za 2018.godinu
13. Prijedlog programa rasporeda sredstava za sport za 2018.godinu
14. Prijedlog programa rasporeda sredstava boračkim udruženjima za 2018.godinu
15. Prijedlog programa utroška sredstava za informisanje za 2018.godinu
16. Prijedlog programa rada JU „Gradska biblioteka“ Kakanj za 2018.godinu sa finansijskim planom
17. Izvještaj o realizaciji Programa utroška sredstava od koncesionih naknada za 2017.godinu
18. Izvještaj o realizaciji Programa utroška sredstava komunalne naknade za 2017.godinu
19. Izvještaj o realizaciji Programa utroška sredstava naknade za građevinsko zemljište za 2017.godinu
20. Izvještaj o realizaciji Plana redovnog održavanja javnih i nerazvrstanih cesta na području općine Kakanj za 2017.godinu
21. Izvještaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2017.godinu
22. Izvještaj o realizaciji Programa utroška sredstava iz Budžeta Općine Kakanj za podsticaje u poljoprivredi za 2017.godinu
23. Izvještaj o utrošku sredstava iz Budžeta Općine Kakanj za podsticaj razvoja poduzetništva i obrta za 2017.godinu
24. Izvještaj o realizaciji Programa rasporeda sredstava za nevladine organizacije i udruženja građana za 2017.godinu
25. Izvještaj o realizaciji Programa rasporeda sredstava za sport za 2017.godinu
26. Izvještaj o realizaciji Programa rasporeda sredstava boračkim udruženjima za 2017.godinu

27. Izvještaj o realizaciji Programa rasporeda sredstva za obilježavanje značajnih datuma i manifestacija u 2017.godini

Tačka 1.

Prijedlog odluke o poticajima i pogodnostima za investiranje na području općine Kakanj

Predlagač: općinski načelnik,

Obrađivač: Služba za privredu, urbanizam i zaštitu okoline,

Izjestilac: Mirza Fazlić, pomoćnik općinskog načelnika

Mirza Fazlić: je rekao da u predloženoj odluci postoji tehnička greška, odnosno da je u članu 2. izostavljen stav 2. koji glasi: „Maksimalan iznos poticaja koji mogu ostvariti investitori je 50.000 KM.“, a postojeći stav 2. postaje stav 3.

U diskusiji nije niko učestvovao pa je Vijeće jednoglasno sa 28 glasova za, bez glasova protiv i uzdržanih usvojilo Odluku o poticajima i pogodnostima za investiranje na području općine Kakanj.

Tačka 2.

Prijedlog odluke o utvrđivanju javnog interesa za izgradnju nove saobraćajnice

Predlagač: općinski načelnik,

Obrađivač: Služba za imovinskopravne, geodetske poslove i katastar nekretnina

Izjestilac: Nurčo Kurtović, pomoćnik načelnika,

Stav i mišljenje: Komisija za ekologiju

U diskusiji su učestvovali: Semir Mušija, Eldin Mijoč, Sedmedin Amidić, Rizah Haračić, Elvedin Delić, Edin Aliefendić.

Nurčo Kurtović: je rekao da se izgradnja ove saobraćajnice nalazi u kategoriji glavnih gradskih saobraćajnica kojom bi se znatno rasteretio saobraćaj na glasnoj ulici Kaknja te samim tim povezala gornja naselja uključujući i novi centar Kakanj čija je gradnja planirana na području Stare jame.

Semir Mušija: je sugerisao da bi trebalo uz ovakve prijedloge priložiti i skice planiranih izgradnji radi boljeg uvida i praćenja. Zatim je upitao da li je novom gradskom saobraćajnicom planirano građenje parking površina.

Eldin Mijoč: je rekao da bi zaista trebalo da se u trenutku donošenja ove odluke pripremila prezentacija te da je to od važnosti i za građane Kaknja radi općih informacija. Zatim je upitao da li će nova saobraćajnica biti jednosmjerna, koliko će imati traka, hoće li biti parking površina, da li će biti trotoarskih površina i slično te je predložio pauzu da bi se pripremile određene informacije prije glasanja.

Općinski načelnik: je rekao da također smatra da bi trebalo imati skicu uz ovaj materijal radi vizualiziranja u predloženoj odluci kao i uvida u ranije slične odluke. Dodao je da bi kod svih odluka sa k.č. trebalo priložiti skice, posebno kod prodaje nekretnina. Zatim je rekao da je planirana saobraćajnica predviđena Regulacionim planom ali za izgradnju iste još nije sve spremno te je dodao da će se gradnja nove saobraćajnice kretati pored Poleta, pored kuće Dragana Ljubojevića, zatim će doći do pomjerenja ograde Stare jame Rudnika koliko bude potrebno, dalje će ići prema Meteortexu, zatim zahvata eksproprijacije jednog dijela privatne parcele te iznad Parka prijateljstva nakon čega će se spuštati iznad zgrade MGM u pravcu prema kružnom toku ispred zgrade Suda. Dodao je da će biti dvosmjerni tok saobraćaja i da će se tom saobraćajnicom kretati teška motorna vozila kako se ne bi ometao saobraćaj glavne gradske saobraćajnice te da će se olakšati prolaz za Dragiće i Plandište. Što se tiče parking prostora i pješačkih staza rekao je da objektivno nema prostora za njihovu izgradnju. Također je rekao da su ove godine izdvojena sredstva za djelomičnu eksproprijaciju, za izmještanje

ograda i neke pripreme radove a tek kada se izdvoje veća sredstva u narednom periodu, pristupit će se izgradnji navedene saobraćajnice.

Sedmedin Amidić: je upitao koliko će koštati izgradnja saobraćajnice s obzirom da se često dešava da trebaju veća sredstva od planiranih.

Rizah Haračić: je rekao da će izgradnja ove saobraćajnice riješiti problem saobraćaja u glavnoj jednosmjernoj ulici i dodao da će nakon realizacije ove odluke biti mogućnosti za izgradnju parking površina koje su već usvojene Regulacionim planom.

Elvedin Delić: je upitao da li će izgradnjom nove saobraćajnice doći do ukidanja pješačkog prolaza pored pošte koji je najkraći put za veći broj domaćinstava u Dragićima i Plandištu.

Edin Aliefendić: je upitao da li je potrebno navedene katastarske čestice koje su u vlasništvu Općine Kakanj ekspropisati i proglašavati javnim interesom s obzirom da su to već javna dobra.

Nurčo Kurtović (odgovor): je rekao da su javni interes i eksproprijacija dva odvojena pojma i da se javni interes mora proglasiti a ne mora ekspropisati. Dodao je da se u ovom slučaju radi o imovini Rudnika i Općine Kakanj i da istu nije potrebno ekspropisati jer je izmijenjenim Zakonom o eksproprijaciji i Zakonom o cestama regulisano da kada se radi o izgradnji ovakvih projekata na državnoj imovini, korištenje iste se ne plaća.

Nakon diskusije Vijeće je sa 21 glasom za, bez glasova protiv i 5 uzdržanih usvojilo Odluku o utvrđivanju javnog interesa za izgradnju nove saobraćajnice.

Tačka 3.

Prijedlog odluke o izmjeni Odluke o izvršavanju Budžeta Općine Kakanj za 2018.godinu

Predlagač: općinski načelnik,

Obradivač: Služba za finansije,

Izvestilac: Džihad Berbić, pomoćnik općinskog načelnika,

Stav i mišljenje: Komisija za budžet i finansije

S obzirom da nije bilo prijavljenih za diskusiju Vijeće je sa 22 glasa za, bez glasova protiv i 5 uzdržanih usvojilo Odluku o izmjeni Odluke o izvršavanju Budžeta Općine Kakanj za 2018.

Tačka 4.

Prijedlog programa projekata za realizaciju sredstava iz Programa utroška sredstava vodnih naknada u oblasti vodoprivrede za 2018.godinu

Predlagač: općinski načelnik,

Obradivač: Zavod za planiranje i izgradnju općine Kakanj,

Izvestilac: Zijad Neimarlija, direktor Zavoda

U diskusiji su učestvovali: Safet Šahman, Enes Piljug, Semir Mušija, Sedmedin Amidić, Eldin Mijoč, Jasmin Mušanović, Haris Veispahić i Rizah Haračić.

Zijad Neimarlija: je rekao da su navedenim Programom obuhvaćeni projekti koji imaju urbanističku i građevinsku dozvolu i da će resorno ministarstvo razmatrati samo takve projekte prilikom zaključivanja sporazuma sa načelnikom općine te je pročitao projekte koji ispunjavaju navedene uslove. Zatim je rekao da će nakon davanja saglasnosti na ovaj prijedlog Ministarstvo za poljoprivredu, vodoprivredu i šumarstvo donijeti Program utroška sredstava iz vodnih naknada za 2018.godinu nakon čega će se pristupiti realizaciji navedenih projekata.

Safet Šahman: je predložio da se kroz ovakve programe ubuduće izdvajaju sredstva za legalizaciju postojećih vodovoda.

Enes Piljug: je rekao da je već ranije podnosio vijećničku inicijativu za puštanje u funkciju bazena pitke vode u Gornjoj Slapnici i predložio da se realizacija istog uvrsti u navedeni program jer ova mjesna zajednica ima potrebnu dokumentaciju za navedeno.

Semir Mušija: je upitao zašto je za neke projekte koji se nalaze u drugoj ili trećoj fazi navedeni utrošak sredstava OKM.

Sedmedin Amidić: je rekao da su ovakvi projekti za vodu prioriteta u odnosu na ostale i upitao da li će sredstva koja su ranije odobrena a neutrošena u realizaciji dodati na sredstva predložena navedenim programom.

Općinski načelnik: je rekao da je rubrika u tabeli sa iznosom utrošenih sredstava višak s obzirom da nije popunjena. Zatim je rekao da ovakvi projekti od strane Ministarstva kasne sa realizacijom i da su krajem 2017.godine potpisani ugovori za projekte iz 2017.godine i dva projekta iz 2016.godine koji će se tek sada realizovati. Dodao je i da postoji mogućnost prenošenja neutrošenih sredstava što bi trebalo provjeriti. Što se tiče bazena u Gornjoj Slapnici rekao je da bi se taj problem mogao riješiti u okviru vodovoda Slapnica.

Enes Piljug: je predložio da se glasa o umrežavanju vodovoda u Gornjoj Slapnici i da se od sredstava koja su planirana za ostale vodne projekte izdvoje sredstva za realizaciju navedenog bazena.

Zijad Neimarlija(odgovor): je rekao da se predloženi amandman ne prihvata i da prijedlog projekata ostaje nepromijenjen.

Eldin Mijoč: je tražio objašnjenje o neprihvatanju predloženog amandmana.

Jasmin Mušanović: je upitao u kojoj je fazi snabdijavanje vodom navedene mjesne zajednice i predložio da se za isto izdvoje potrebna sredstva sredstva kako bi se taj projekta priveo kraju.

Predsjedavajući: je sugerisao vijećnicima na odredbu Poslovnika kojom je regulisan način podnošenja amandmana i dodao da se istog trebaju pridržavati.

Haris Veispahić: je rekao da se problem vodosnabdijevanja na području Općine Kakanj ne može riješiti sa predloženim iznosom sredstava za 2018.godinu. Dodao je i da je ova tačka dnevnog reda u korespondenciji sa kantonom u isključivoj nadležnosti načelnika i zahvalio se na datoj mogućnosti vijećnicima da po ovom pitanju iznesu svoja mišljenja i prijedloge. Naveo je i neke mjesne zajednice čiji problem vodosnabdijevanja još uvijek nije riješen.

Općinski načelnik: je objasnio da je predloženim projektom za mjesnu zajednicu Slapnica planirano puštanje u funkciju bazena u Gornjoj Slapnici oko čega se vodi diskusija.

Rizah Haračić: je upitao direktora Zavoda za planiranje i izgradnju u vezi izdvojenih sredstava za mjesnu zajednicu Kaparovići te da li su isti utrošeni ili preneseni. Zatim je predložio da se ubuduće ovakvim sredstavima planiraju sredstva za pomoć mjesnim zajednicama u izradi projekta vodosnabdijevanja.

Eldin Mijoč(replika): je rekao da se ova tačka povuče sa dnevnog reda ako se radi o izrazu dobre volje načelnika koji je dao priliku vijećnicima da daju prijedloge na istu te se zahvalio načelniku na tome. Dodao je i da ta dobra volja vijećnicima nije potrebna te da svako treba obavljati poslove iz svoje nadležnosti.

Općinski načelnik: je rekao da ovaj program usvaja Vlada F BiH i da oni odobravaju ta sredstva na predložene projekte i da se to moglo završiti bez diskusije o tome ali da se daje mogućnost vijećnicima radi uvida u predložene projekte i mogućnost davanja prijedloga na iste bez obzira što se u ovom slučaju radi o delegiranju projekta prema kantonu na dalje postupanje.

Nakon diskusije Vijeće je sa 28 glasova za, bez glasova protiv i uzdržanih usvojilo Program projekata za realizaciju sredstava iz Programa utroška sredstava vodnih naknada u oblasti vodoprivrede za 2018.godinu.

Tačka 5.

Prijedlog programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2018.godinu i sredstava od prodaje poslovnih prostora i zemljišta

Predlagač: općinski načelnik,

Obrađivač: Zavod za planiranje i izgradnju općine Kakanj

Izjestilac: Zijad Neimarlija, direktor Zavoda

U diskusiji su učestvovali: Semir Mušija, Enes Piljug, Edin Aliefendić, Rizah Haračić, Ahmed Begić, Sedmedin Amidić, Jasmin Mušanović, Nusret Muslić i Safet Šahman.

Zijad Neimarlija: je dao uvodno izlaganje i predložio da Općinsko vijeće donese zaključak kojim bi se u realizaciju projekata javne rasvjete uključile mjesne zajednice, naročito u pogledu pribavljanja tehničke dokumentacije.

Semir Mušija: je rekao da klub SBB-a podržava sve projekte, te predlaže sanaciju puta od mehaničarske radnje Tokmo Salke do gradske deponije. Iznos predviđenih sredstava je 50.000 KM. Klub SBB-a predlaže da se od svakog projekta za 2018. godinu izdvoji po 1.000 KM, a da se ostalih 3.000 KM izdvoji iz rezervnih sredstava.

Enes Piljug: je rekao da je zadovoljan Programom, te upitao šta se podrazumijeva pod sanacijom. Predložio je u ime kluba SDP-a da se izdvoji još 30.000 KM za projekt asfaltiranja puta u selu Gornja Slapnica u dužini od 300 metara.

Edin Aliefendić: je rekao da je Program obuhvatio veliki broj projekata što je pohvalno, te dodatno predložio da se iznos pod tačkom 2.46 Regulacija korita rijeke Zgošće kod Šehidskog mosta sa 20.000 KM poveća na 60.000 KM iz sredstava rezervi. Upitao je kojim redoslijedom će se realizovati projekti.

Rizah Haračić: je Program ocijenio pozitivno, te istakao značaj projekata koji će riješiti dugogodišnje zaostale probleme. Upitao je na što se odnosi sanacija puta u Ričici, na koji dio sela, i predložio je da se za rekonstrukciju puta u Bičeru iznos sredstava poveća.

Ahmed Begić: je predložio da se u Program uvrste dva projekta: sankalište na Ponijerima tačka 2.45 (da se 100.000 KM predviđenih za javnu rasvjetu na Ponijerima umanjuje za 50.000 KM). Drugi projekat se odnosi na sufinansiranje trećeg tima hitne medicinske pomoći od 100.000 KM.

Sedmedin Amidić: je uputio pitanje kojom metodologijom se vrši izbor prioriteta u realizaciji Programa.

Jasmin Mušanović: je rekao da se svi predloženi projekti stave na listu te da se u nekom narednom periodu u zavisnosti od realizacije budžeta implementiraju.

Nusret Muslić: je rekao da zamjeri što u ovim projektima nema dovoljno opširnog obrazloženja kako bi se u konkretnom slučaju znalo šta spada pod sanaciju puta i sl?

Safet Šahman: je rekao da je zadovoljan predloženim projektima.

Općinski načelnik: se zahvalio na diskusiji i primjedbama vijećnika na ovaj kompleksni Program. Dodao je da ovo nisu projekti koji se mogu završiti odmah, ali da je najbitnije od svega izraditi sistem, izbjeći u najvećoj mjeri politikanstvo kod određivanja prioriteta. Napravljen je ozbiljan izvještaj o utvrđivanju svih infrastrukturnih i drugih stanja za svaku mjesnu zajednicu i shodno tom izvještaju vrši se odabir prioriteta. Naglasio je da je ovo Program infrastrukture, te da će sankalište biti na Ponijerima sljedeće godine i ostaje samo da se razmotri

finansijsko ulaganje u isti. Istakao je kompleksnost problema pojedinih mjesnih zajednica i dodao da se rekonstrukcija infrastrukture rješava kroz pojačana sredstva ljetnog održavanja lokalnih puteva.

Nakon diskusije Vijeće je sa 28 glasova za, bez glasova protiv i uzdržanih usvojilo Program utroška neraspoređenog dijela namjenskih sredstava od prihoda preduzeća ostvarenih radom termolektrana za 2018. godinu i sredstava od prodaje poslovnih prostora i zemljišta.

Tačka 6.

Prijedlog programa utroška sredstava od koncesionih naknada

Predlagač: općinski načelnik,

Obrađivač: Zavod za planiranje i izgradnju općine Kakanj,

Izvjestilac: Zijad Neimarlija, direktor Zavoda.

U diskusiji su učestvovali: Safet Šahman, Enes Piljug, Sedmedin Amidić i Nusret Muslić.

Pojašnjenja je dao Zijad Neimarlija, direktor Zavoda.

Safet Šahman: je upitao da li se ugovorima planira u ovoj godini uređenje prilaza prema mostu koji je prošle godine urađen u Brnjicu?

Enes Piljug: je upitao ko je uradio tehnički prijem puta Zgošča-Tršće obzirom da je u relativno kratkom periodu došlo do obrušavanja stijena na saobraćajnicu i ko interveniše u ovim slučajevima obzirom da u Programu piše da se izvođač radova angažuje po ovim sredstvima?

Sedmedin Amidić: je rekao da je put Kakanj-Tršće relativno opasan zbog čestog obrušavanja stijena, a isti je u funkciji. Upitao je da li postoji sankcije prema izvođaču radova?

Nusret Muslić: je tražio dodatna pojašnjenja u vezi nove gradske saobraćajnice i finansijskog koštanja iste, kao i za sanaciju ceste Donji Kakanj-Kondžilo.

Zijad Neimarlija: je rekao da će prilaz prema mostu u Brnjicu biti ove godine riješen, također je rekao da je pomenuta relacija Zgošča-Tršće pod stalnom kontrolom i prati se stanje iste.

Nakon diskusije Vijeće je sa 22 glasa za, 5 glasova protiv i bez uzdržanih usvojilo Program utroška sredstava od koncesionih naknada.

Usljedila je pauza u radu Vijeća u trajanju od 1h i 15 m.

Tačka 7.

Prijedlog programa utroška sredstava komunalne naknade za 2018.godinu

Predlagač: općinski načelnik,

Obrađivač: Zavod za planiranje i izgradnju općine Kakanj,

Izvjestilac: Zijad Neimarlija, direktor Zavoda.

U diskusiji su učestvovali Enes Piljug i Rizah Haračić.

Enes Piljug: je predložio da se u tački 1.2 iz planiranih sredstava za javnu rasvjetu izdvoje sredstva za popravak rasvjete od Kamenoloma do Brnja.

Zijad Neimarlija: je rekao da javna rasvjeta u naselju Brnj ne ide po projektu do naselja Brnj, nego do kraja sela i predložio da se uključi i mjesna zajednica.

Enes Piljug: je odgovorio direktoru da je u pitanju samo zamjena rasvjetnih tijela i nije neophodna rekonstrukcija.

Zijad Neimarlija: je rekao da stoji pri svojim navodima, te da je neophodan projekat.

Rizah Haračić: se osvrnuo na stavku 1.2 u Izvještaju i upitao da li su ovo sredstva koja su prenesena u program ili je ovo već utrošeno u realizaciju.

Nakon diskusije Vijeće je sa 21 glasom za, 5 protiv i bez glasova uzdržanih usvojilo Program utroška sredstava komunalne naknade za 2018. godinu.

Tačka 8.

Prijedlog programa utroška sredstava naknade za građevinsko zemljište za 2018.godinu

Predlagač: općinski načelnik,

Obrađivač: Zavod za planiranje i izgradnju općine Kakanj,

Izjestilac: Zijad Neimarlija, direktor Zavoda

U diskusiji je učestvovao Safet Šahman.

Safet Šahman: je rekao da nema primjedbi kada je u pitanju raspored sredstava, te sugerirao da se prilikom izvođenja radova postavi saobraćajna signalizacija kod područne škole u Brnjicu zbog djece koja svakodnevno koriste tu relaciju. Rekao je da je na određenom dijelu mosta došlo do obrušavanja ograde, pa predložio popravku zbog bezbjednosti mještana.

Nakon diskusije Vijeće je sa 21 glasom za, 4 protiv i bez uzdržanih usvojilo Program utroška sredstava naknade za građevinsko zemljište za 2018. godinu.

Tačka 9.

Prijedlog zaključka o davanju saglasnosti na Plan redovnog održavanja javnih i nerazvrstanih cesta na području općine Kakanj za 2018.godinu

Predlagač: općinski načelnik,

Obrađivač: Zavod za planiranje i izgradnju općine Kakanj,

Izjestilac: Zijad Neimarlija, direktor Zavoda

U diskusiji su učestvovali: Rešad Merdić, Senad Alajbegović i Rizah Haračić.

Zijad Neimarlija: je rekao da su Budžetom Općine Kakanj izdvojena sredstva za cestarine kao i za zimsko održavanje cesta. Dodao je da je predviđeno i održavanje putne infrastrukture u ljetnom periodu a prije svega sufinansiranje sanacije pružnih prelaza, a zatim je naveo ostale planirane aktivnosti u okviru održavanja cesta na području Općine Kakanj. Također je rekao da će se odgovoriti zahtjevima mjesnih zajednica u vezi sanacije lokalnih cesta i predložio usvajanje predloženog plana.

Rešad Merdić: je upitao zašto nije uvrštena sanacija trase puta od stare raskrsnice do sela Brnjic.

Senad Alajbegović: je predložio da se kod zimskog održavanja cesta iz upotrebe izbacij šljaka a da se koristi materijal kao i za održavanje gradskih ulica navodeći da šljaka ima uticaja na zagađenost okoline i rijeka kao i na moguće kancerogene sastojke iste.

Zijad Neimarlija(odgovor): je rekao da je kod uvrštavanja trase puta prema Brnjicu došlo do greške a zatim je objasnio da je šljaka kao abrazivni materijal prihvatljivija i jeftinija za stanovništvo i da se u budućem periodu može dogovoriti uvođenje zamjene abrazivnog materijala za posipanje.

Rizah Haračić: je rekao da šljaka kao abrazivni materijal je najpogodnija za niske temperature i da uvođenje tzv. mokrog posipanja je znatno skuplje te da bi se kod eventualnih promjena trebalo ponovo odlučivati o nekim stvarima.

Nakon diskusije Vijeće je sa 21 glasom za, 4 glasa protiv i bez uzdržanih usvojilo zaključak o davanju saglasnosti na Plan redovnog održavanja javnih i nerazvrstanih cesta na području općine Kakanj za 2018.godinu.

Tačka 10.

Prijedlog programa utroška namjenskih sredstava za zaštitu okoline općine Kakanj za 2018.godinu

Predlađač: općinski načelnik,

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

Mirza Fazlić: je rekao da je navedeni program definisan kroz tri tabele te naveo planirane projekte i iznose sredstava za iste i dodao je da je to osnovno što je planirano navedenim programom.

S obzirom da nije bilo prijavljenih diskutanata Vijeće je sa 21 glasom za, 4 glasa protiv i bez uzdržanih usvojilo Program utroška namjenskih sredstava za zaštitu okoline općine Kakanj za 2018.godinu.

Tačka 11.

Prijedlog programa utroška sredstava iz Budžeta Općine Kakanj za podsticaje u poljoprivredi za 2018.godinu

Predlađač: općinski načelnik,

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji su učestvovali Safet Šahman i Ivica Petrović.

Mirza Fazlić: je rekao da je predloženi program dovoljno obrazložen i dodao da su podsticaji za registrovane proizvođače uvećeni za oko 50 %. Rekao je da su podsticaji povećani na iznos približan sredstvima koja uplaćuju registrovani poljoprivrednici što se i htjelo postići ovim programom kao i podsticaj poljoprivrednicima da registruju svoje djelatnosti.

Safet Šahman: je rekao da je Općina Kakanj jedna od općina sa najvećim brojem podsticaja i upitao zašto su izostavljeni podsticaji za proizvođače borovnice i aronije te da obrada navedenih kultura zahtjeva istu vrstu poslova kao i voćarstvo te da zbog toga trebaju imati pravo na podsticaj za međurednu obradu. Također je, u pogledu uslova za podsticaje, upitao da li pravo na isti ima udruženje koje nije u Udruženju „Kap“.

Ivica Petrović: je upitao da li postoji mogućnost da se poveća iznos podsticaja za svinjogojstvo ukoliko postoje osobe koje se ozbiljno bave uzgojom te vrste.

Mirza Fazlić(odgovor): je rekao da je mali broj uzgajivača aronije i borovnice te da se isti mogu uvrstiti u jesenju i proljetnu obradivost zemljišta. Kada se radi o udruženjima rekao je da se radi o greški jer bi bilo diskriminirajuće uskratiti nekom pravo na podsticaj jer nije dio nekog udruženja i na kraju je dodao da je prihvaćena sugestija u vezi povećanja sredstava za svinjogojstvo.

Nakon diskusije Vijeće je sa 25 glasova za, bez glasova protiv i uzdržanih usvojilo Program utroška sredstava iz Budžeta Općine Kakanj za podsticaje u poljoprivredi za 2018.godinu.

Tačka 12.

Prijedlog programa utroška sredstava iz Budžeta Općine Kakanj za podsticaj razvoja poduzetništva i obrta za 2018.godinu

Predlagač: općinski načelnik,

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

Mirza Fazlić: je rekao da je ovim programom predviđena realizacija 13 projekata i posebno je istakao sufinansiranje troškova obuke, dokvalifikacije i prekvalifikacije za poslove zavarivača, krojača, bravara i drugih zanimanja prema potrebama tržišta rada i dodao da će lica koja budu obuhvaćena tim projektom imati topli obrok kao naknadu a da će za to vrijeme biti prijavljeni na biro a na kraju tog projekta će biti certifikacija kandidata. Također je istakao i podsticaj zapošljavanja i samozapošljavanja osoba sa invaliditetom u odnosu na ranije jer postoji veći broj osoba koje imaju određeni invaliditet i mogućnost da rade.

Kako nije bilo prijavljenih za diskusiju Vijeće je sa 25 glasova za, bez glasova protiv i uzdržanih usvojilo Program utroška sredstava iz Budžeta Općine Kakanj za podsticaj razvoja poduzetništva i obrta za 2018.godinu.

Tačka 13.

Prijedlog programa rasporeda sredstava za sport za 2018.godinu

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjavitelj: Rešad Zaimović, pomoćnik općinskog načelnika

U diskusiji su učestvovali: Nusret Muslić, Enes Piljug i Ivica Petrović.

Rešad Zaimović: je rekao da je Odlukom o izvršavanju budžeta Općine Kakanj za 2018.godinu navedeno da će se sredstva za sport dodjeljivati na osnovu programa za sport čiji prijedlog izrađuju nadležna služba i Komisija za raspodjelu sredstava sportskim klubovima prema utvrđenim kriterijima uz aktivno učešće Sportskog saveza. Zatim je rekao da je navedena komisija nakon objavljenog javnog poziva utvrdila prijedlog raspodjele sredstava za sport u 2018.godini kako je navedeno u prijedlogu.

Nusret Muslić: je ukazao na nedovoljno obrazloženje predloženog programa i na prevelik iznos planiranih sredstava za sport te je predložio da se navedeni iznos umanjimo kako bi se isti preusmjerio na penzionere sa najmanjim penzijama, zatim teško oboljelim građanima kao i osumnjičenim pripadnicima Armije BiH za pravnu pomoć. Također je upitao prema kojim kriterijima su određeni navedeni iznosi.

Enes Piljug: je rekao da bi se prilikom raspodjele sredstava trebali uzeti u obzir oni klubovi koji imaju veći broj članova kao što su neki borilački sportovi koji postižu značajne rezultate na takmičenjima a čije finansiranje je znatno umanjeno.

Ivica Petrović: je upitao načelnika da li neka osoba koja je član kluba iz drugog grada i svjetski je prvak može pismeno da mu se obrati za pomoć.

Rešad Zaimović(odgovor): je rekao da je kroz budžet Općine Kakanj usvojen navedeni iznos sredstava za sport i da u tom dijelu nije bilo primjedbi a što se tiče penzionera njima je pomoć pružena preko Centra za socijalni rad kao i ostalim ugroženim osobama. Također je rekao da je klubu iz Zenice već pružena pomoć, odnosno bokseru iz Kaknja koji je član tog kluba.

Nusret Muslić: je rekao da bez obzira što je budžet usvojen može doći do rebalansa istog i nekih izmjena i ponovo predlaže izdvajanje sredstava od predloženog iznosa za određene kategorije stanovništva uz prijedlog da se o tome glasa.

Općinski načelnik: je zamolio vijećnike da se pridržavaju okvira određene tačke dnevnog reda i da se u okviru ovog programa ne mogu izdvajati sredstva za penzionere i druge kategorije stanovništva jer iste nisu dio sporta te da se neki prijedlozi i komentari ne govore samo zbog gledanosti.

Nakon diskusije Vijeće je sa 20 glasova za, 4 glasa protiv i bez uzdržanih usvojilo Program rasporeda sredstava za sport za 2018.godinu.

Tačka 14.

Prijedlog programa rasporeda sredstava boračkim udruženjima za 2018.godinu

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjavitelj: Rešad Zaimović, pomoćnik općinskog načelnika

U diskusiji su učestvovali: Nusret Muslić, Enes Piljug i Haris Veispahić.

Rešad Zaimović: je rekao da se sredstva boračkim udruženjima raspodjeljuju prema predloženom programu te predložio da se program kao takav i usvoji.

Nusret Muslić: je upitao prema kojim kriterijima se vrši raspodjela sredstava jer sva ta udruženja imaju sličan okvir poslova za koja ta sredstva i jesu.

Enes Piljug: je upitao koje organizacije su dio Saveza udruženja boračkih udruženja i zbog čega se za taj Savez izdvajaju znatno veća sredstva u odnosu na ostale.

Haris Veispahić: je rekao da se slaže sa nekim prethodnim komentarima i da bi trebalo ubuduće da se sva navedena udruženja ujedine u Savez udruženja boračkih populacija te je upitao da li određena udruženja pokazuju interes za tim korakom kako bi se izbjegle slične rasprave.

Rešad Zaimović(odgovor): je rekao da je navedeni savez jedna od najbrojnijih populacija i da su na tom polju postignuti značajni rezultati koji služe višim nivoima vlasti kao primjer za rješavanje te problematike. Dodao je i da Savez ima prihode samo iz budžeta te da ne može imati članarinu zbog čestih potreba davanja jednokratnih novčanih pomoći ugroženim osobama dok neka druga udruženja imaju članarinu koji godišnje dobiju određene iznose kao i da svoje poslovne prostore izdaju odakle također imaju prihode. Također je rekao da je prilikom formiranja ovog prijedloga izdvojen dio sredstava kao neplanirane troškove za rad udruženja za neke dodatne troškove.

Općinski načelnik: je rekao da izdvojena sredstva za Savez su znatno veća a razlog tome jeste veći broj udruženja koja su dio tog Saveza a prije su bila samostalna. Također je rekao da se ide prema gašenju određenih saveza koja ne djeluju kako treba i da se u okviru navedenog Saveza omogućava djelovanje određenih sekcija jer postoji velik broj sličnih udruženja. Zatim je rekao da se planirana sredstava odnose na redovne troškove udruženja i eventualne pomoći određenim članovima istog i da su u slučaju povećanja troškova nekih udruženja planirana rezervna sredstva. Dodao je da se u okviru Saveza nalazi devet udruženja i da bi trebalo provjeriti da li su neka od njih u međuvremenu brisana iz registra.

Nakon diskusije Vijeće je sa 19 glasova za, 4 glasa protiv i bez uzdržanih usvojilo Program rasporeda sredstava boračkim udruženjima za 2018.godinu stavio na glasanje nakon čega je konstatirao da je isti usvojen.

Tačka 15.

Prijedlog programa utroška sredstava za informisanje za 2018.godinu

Predlagač: općinski načelnik,

Obrađivač: Stručna služba za poslove Općinskog načelnika

Izjavitelj: Enver Kusić, sekretar organa uprave

U diskusiji je učestvovao Eldin Mijoč.

Enver Kusić: je rekao da je obrazloženje dovoljno detaljno urađeno i da se radi o programu koji je sličan u posljednjih nekoliko godina. Zatim je rekao da su izostavljeni troškovi izvještavanja praćenja sjednice Vijeća jer je Stručna služba za poslove općinskog vijeća zadužena za izradu izvještaja sa sjednice koji se neposredno poslije sjednice objavljuje na Službenoj stranici Općine Kakanj.

Eldio Mijoč: je rekao da su velika sredstva izdvojena za emitovanje sjednica Vijeća a da se snimak iste ne plasira adekvatno javnosti te da su termini emitovanja pogrešni i ako će ostati takvi da bi ih trebalo ukinuti.

Enver Kusić(odgovor): je rekao da je ugovorom određeno emitovanje sjednice poslije podne te da bi trebalo donijeti zaključak da se prilikom sklapanja ugovora odredi prihvatljiv termin emitovanja sjednica Općinskog vijeća.

Općinski načelnik: je rekao da programski izvještaji traju po nekoliko sati te da bi isti trebali biti u terminu kada je većina u mogućnosti da gleda. Zatim je rekao da bi trebalo dogovoriti određeni termin emitovanja sjednica Općinskog vijeća prilikom zaključenja ugovora

Nakon diskusije Vijeće je sa 21 glasom za, bez glasova protiv i uzdržanih usvojilo Program utroška sredstava za informisanje za 2018.godinu sa zaključkom da se termin emitiranja sjednica Općinskog vijeća precizira ugovorom .

Tačka 16.

Prijedlog programa rada JU „Gradska biblioteka“ Kakanj za 2018.godinu sa finansijskim planom

Predlagač: UO JU Gradska biblioteka,

Obrađivač: UO JU Gradska biblioteka

Izvestilac: Senad Čišija, direktor i Nazif Hrustić – predsjednik UO,

Stav i mišljenje: Komisija za mlade

S obzirom da nije bilo prijavljenih za raspravu Vijeće je sa 21 glasom za, bez glasova protiv i uzdržanih usvojilo Program rada JU „Gradska biblioteka“ Kakanj za 2018.godinu sa finansijskim planom.

Tačka 17.

Izveštaj o realizaciji Programa utroška sredstava od koncesionih naknada za 2017.godinu

Predlagač: općinski načelnik,

Obrađivač: Zavod za planiranje i izgradnju općine Kakanj

Izvestilac: Zijad Neimarlija, direktor Zavoda

Kako nije bilo prijavljenih za raspravu Vijeće je sa 22 glasa za, bez glasova protiv i uzdržanih usvojilo Izveštaj o realizaciji Programa utroška sredstava od koncesionih naknada za 2017.

Tačka 18.

Izveštaj o realizaciji Programa utroška sredstava komunalne naknade za 2017.godinu

Predlagač: općinski načelnik,

Obrađivač: Zavod za planiranje i izgradnju općine Kakanj

Izvestilac: Zijad Neimarlija, direktor Zavoda

Nije bilo prijavljenih za diskusiju pa je Vijeće sa 18 glasova za, 4 glasa protiv i bez uzdržanih usvojilo Izveštaj o realizaciji Programa utroška sredstava komunalne naknade za 2017.godinu.

Tačka 19.

Izveštaj o realizaciji Programa utroška sredstava naknade za građevinsko zemljište za 2017.godinu

Predlagač: općinski načelnik,

Obrađivač: Zavod za planiranje i izgradnju općine Kakanj

Izjestilac: Zijad Neimarlija, direktor Zavoda

S obzirom da nije bilo prijavljenih diskutanata Vijeće je sa 17 glasova za, 4 glasa protiv i bez uzdržanih usvojilo Izveštaj o realizaciji Programa utroška sredstava naknade za građevinsko zemljište za 2017.godinu.

Tačka 20.

Izveštaj o realizaciji Plana redovnog održavanja javnih i nerazvrstanih cesta na području općine Kakanj za 2017.godinu

Predlagač: općinski načelnik,

Obrađivač: Zavod za planiranje i izgradnju općine Kakanj

Izjestilac: Zijad Neimarlija, direktor Zavoda

S obzirom da nije bilo prijavljenih za diskusiju Vijeće je sa 18 glasova za, 4 glasa protiv i bez glasova uzdržanih usvojilo izvještaj o realizaciji Plana redovnog održavanja javnih i nerazvrstanih cesta na području općine Kakanj za 2017.godinu.

Tačka 21.

Izveštaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2017.godinu

Predlagač: općinski načelnik,

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

Kako nije bilo prijavljenih diskutanata Vijeće je sa 18 glasova za, 3 glasa protiv i bez uzdržanih usvojilo Izveštaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2017.godinu.

Tačka 22.

Izveštaj o realizaciji Programa utroška sredstava iz Budžeta Općine Kakanj za podsticaje u poljoprivredi za 2017.godinu

Predlagač: općinski načelnik,

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

Nije bilo prijavljenih diskutanata pa je Vijeće sa 22 glasa za, bez glasova protiv i uzdržanih usvojilo Izveštaj o realizaciji Programa utroška sredstava iz Budžeta Općine Kakanj za podsticaje u poljoprivredi za 2017.godinu.

Tačka 23.

Izveštaj o utrošku sredstava iz Budžeta Općine Kakanj za podsticaj razvoja poduzetništva i obrta za 2017.godinu

Predlagač: općinski načelnik,

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

Kako nije bilo prijavljenih za diskusiju Vijeće je sa 23 glasa za, bez glasova protiv i uzdržanih usvojilo Izveštaj o utrošku sredstava iz Budžeta Općine Kakanj za podsticaj razvoja poduzetništva i obrta za 2017.godinu.

Tačka 24.

Izveštaj o realizaciji Programa rasporeda sredstava za nevladine organizacije i udruženja građana za 2017.godinu

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjestilac: Rešad Zaimović, pomoćnik općinskog načelnika

S obzirom da nije bilo prijavljenih diskutanata Vijeće je sa 22 glasa za, bez glasova protiv i uzdržanih usvojilo Izveštaj o realizaciji Programa rasporeda sredstava za nevladine organizacije i udruženja građana za 2017.godinu.

Tačka 25.

Izveštaj o realizaciji Programa rasporeda sredstava za sport za 2017.godinu

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjestilac: Rešad Zaimović, pomoćnik općinskog načelnika

Kako nije bilo prijavljenih za diskusiju Vijeće je sa 19 glasova za, 4 glasa protiv i bez glasova uzdržanih usvojilo Izveštaj o realizaciji Programa rasporeda sredstava za sport za 2017.godinu.

Tačka 26.

Izveštaj o realizaciji Programa rasporeda sredstava boračkim udruženjima za 2017.godinu

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjestilac: Rešad Zaimović, pomoćnik općinskog načelnika

Kako nije bilo prijavljenih za diskusiju Vijeće je sa 19 glasova za, 4 glasa protiv i bez uzdržanih usvojilo Izveštaj o realizaciji Programa rasporeda sredstava boračkim udruženjima za 2017.godinu.

Tačka 27.

Izveštaj o realizaciji Programa rasporeda sredstva za obilježavanje značajnih datuma i manifestacija u 2017.godini

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike,

Izjestilac: Rešad Zaimović, pomoćnik općinskog načelnika

S obzirom da nije bilo prijavljenih diskutanata Vijeće je sa 18 glasova za, 4 glasa protiv i bez uzdržanih usvojilo Izveštaj o realizaciji Programa rasporeda sredstva za obilježavanje značajnih datuma i manifestacija u 2017.godini.

Sjednica se završila u 15:15.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog zapisnika

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić